



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Horologivm Sacerdotale Sacerdotibus tam Ecclesiasticis,  
quàm Religiosis, præsertim Neomystis Ordinem diei, &  
praxes indicans Opera quotidiana exactè, sanctéque  
obeundi**

**Dirckinck, Johann**

**Coloniæ, 1690**

Appendix Pro Festis B. Mariæ Virginis; Ante Sacrvm.

[urn:nbn:de:hbz:466:1-50863](https://nbn-resolving.org/urn:nbn:de:hbz:466:1-50863)

## APPENDIX

Pro Festis B. MARIÆ Virginis;

ANTE SACRVM.

*Oblatio Cordis.*

O Augustissima cœlorum Regina! intendendo dilectissimum Filium tuum Jesum Christum corde & ore suscipere: sed tuam cor mundum, cor seraphico & mariano flagrans amore possiderem; quam tu libens Regi cordium in hospitium & tributum consecrarem? cum verò cor meum vitiorum & imperfectionum sordibus contaminatum sit, patere ô Regi cordium! ut illud precibus ac meritis tuis prius emaculandum offeram, quo ad Filium tuum purissimum suscipiendum, offerendum dignius efficiatur.

I. Offero igitur tibi ô Regina Virgini cor meum impurum, variisque peccatorum maculis sordidum: humillimèq; te deprecor, ut veram mihi impetres cor puritatem, atque ita cor meum mundum, cordique tuo mundissimo contactum, velut Lectulum floridum, Regi Cordium offerre digneris.

R

II. O

II. *O Regina Martyrum*, offero tibi cor meum immortificatum, passionibus suis ac sensualitatibus subiectum; & eniè obsecro, ut verum mortificationis spiritum mihi obtineas; atque ita cor meum mortificatum, cum omnium Martyrum cordibus, Jesu Christi cordi summè mortificato, velut castrum inexpugnabile offerre digneris.

III. *O Regina Confessorum*! offero tibi cor meum, vanitate & superbiâ tumidum; ac instantissimè rogo, ut veram humilitatem mihi exores; atq; ita cor meum humiliatum, cum omnium Confessorum humiliatorum cordibus, humillimo Jesu cordi, veluti præsepium parvum offerre digneris.

IV. *O Regina Patriarcharum*! offero tibi cor meum obtenebratum & obscuratum, demississimèq; te precor, ut fidem vivam mihi impetres, & cor meum illuminatum cum Patriarcharum fide illuminatorum cordibus, illuminatissimo Jesu cordi, velut cælum illustre adornare digneris.

V. *O Regina Prophetarum*! offero tibi cor meum desideriis mundanis immer-

lum, intiméque te obsecro, ut certam æternorum spem mihi obtineas, atq; ita cor meum cum Prophetarum cordibus spe bonorum cœlestium elevatis, cordi Christi erectissimo, velut hospitium gratum consecrare digneris.

VI. *O Regina Apostolorum!* Offero tibi cor meum, terrenorum amore infectum, suppliciterque te deprecor, ut perfectam Dei ac proximi charitatem mihi inchores: atq; ita cor meum, unâ cum Apostolorum cordibus divino amore inflammatis, ardentissimo Christi Cordi, velut templum inauratum dedicare digneris.

VII. *O Regina Angelorum!* Offero tibi cor meum, multis occupatum, variisq; distractum; & ferventissimè supplico, ut mihi cor liberum, cor expeditum, cor Christianum impetres, atq; ita cor meum cordibus Angelorum unitis ac recollectis in hominum ministerio occupatis, precorissimo ac perfectissimo Jesu cordi velut hortum conclusum aperire digneris.

*O Regina Universi!* hæ sunt gratiæ, quas à tua Majestate supplex postulo: accipe hocce cor meum, illudq; lava, munda

da, sanctifica purissimo Filii tui sanguine,  
ut omnino mundatum, sanctum, ac Deli-  
catum Redemptori meo, Filio tuo pre-  
sentari & acceptari, pasci & satiari, amari  
& possideri æternum mereatur. Amen.

SUB SACRO.

I. Sub Kyrie, imitare ferventissima Be-  
atissima Virginis desideria, ante Verbi  
incarnationem elicit.

II. Sub Gloriâ, lauda, benedic & ado-  
ra Christum natum exemplo D. Virginis  
in stabulo Bethlehemitico aut Nazare-  
thana Domo.

III. Sub Epistola & Evangelio, excipe  
verba Christi, & conserva in corde tuo  
more B Virginis.

IV. Sub Credo: exerce actus fidei, ad  
imitationem B. Virginis cui dictum est  
Beata que credidisti.

V. Sub Canone: elice ferventes actus  
compassionis & resignationis, doloris &  
amoris, exemplo B. V stantis sub cruce.

VI. Sub Communionem, eâ devotione  
ac animi teneritudine uni te Christo, quâ  
Beatissima Virgo aut Verbum illapsum  
suscepit.

ascipiens, aut è manu S. Joannis Evangeliste communionem recipiens: ejusque exemplo gratias cordiales age.

VII. Sub Benedictione, cogita quo affectu & solatio Deipara Virgo, à Filio suo ad coelos ascendente, ultimam in monte benedictionem exceperit. Eodemque affectu & effectu opta eam populo impertiri.

## POST SACRUM.

Psalterium Decachordum Laudis & Latitiae, seu Canticum Magnificae à B.V. decantatum, à Sacerdote post Celebrationem similibus affectibus expressum.

O Virgo Beatissima! quemadmodum tu Verbi Incarnati visceribus tuis inclusi inspiratione ad Deum magnificandum & in eo lætandum es excitata, & in decem titulos eum laudandi ex spiritu erupisti: ita & me ad eundem Dominum magnificandum, atque in eo gaudendum intercessionem tuam potenti adjuvare dignare.

O Verbum Incarnatum! nunc quoque in amabili Sacramento visceribus meis inclusum, obsecro te, per benedictam Matrem tuam, excita me, ut ejus exemplo,

R 3

anima

anima mea te dignè magnificet, & spiritus meus cum gaudio in te exultet.

I. *Magnificat anima mea Dominum.*

Anima mea altè & magnificè de Deo sentit, omni laude majorem esse agnoscit, pro viribus tamen laudat Dominum, ejusque bonitatem, misericordiam, sapientiam, charitatem, rationemque ejus dominandi præstantissimam, quantum potest extollit.

II. *Et exultavit spiritus meus in Deo salutari meo.*

O Salvator mihi intimè præsens! non solum cor meum & caro mea exultaverunt in Deum vivum; sed & exultavit spiritus meus, in te Deo salutari meo: gaudium enim meum non in corporeis sed spiritualibus; non in donis tuis, sed in donorum Largitore, non in creatis, sed in Creatore & multò magis in Jesu Salvatore meo totum colloco, ac de infinitis ejus perfectionibus exulto.

III. *Quia respexit humilitatem ancille sue, ejusque parvitatem & vilitatem non despexit. Ecce enim ex hoc beatam me dicent omnes generationes, sive præsentis, sive*

live futuræ. Anima mea exultabit in Domino, & delectabitur super salutari suo: *psal. 34.* quia humilia respicit in cœlo & in terra, suscitans à terra inopem, & de stercore erigens pauperem, ut collocet eum cum Principibus populi sui, respexit humilitatem & indignitatem animæ meæ, ancillæ suæ, pro ea redimenda ad tanta agenda & patienda se demittens, & proprio eam corpore ac sanguine pascens. Ecce enim ex hoc tempore, ex hoc beneficio & honore, ex hoc certo æternæ felicitatis pignore, beatam meritò me dicent omnes generationes.

IV. *Quia fecit mihi magna qui potens est & sanctum nomen ejus*

Magni Filii magnam Matrem efficiens Maternitatem cum Virginitate conjungens, aliaque mirabilia in me operans, ac dona cœlestia copiosè profundens. Ego autem in Domino gaudebo, & exultabo in Deo Jesu meo: verè enim & mihi fecit magna qui potens est & sanctum nomen ejus, nam è faucibus Interni me eruit, & è peccatorum fordibus me extraxit: tot beneficiis & gratiæ donis me cumu-

R 4

lavit



lavit, fide illustravit, charitate accendit, epulo cœlesti toties me pavit: ad sacerdotium regale, aliósq; per Sacramenta sanctificandos me evexit: Laudabo igitur eum qui potens est & sanctum nomen ejus, cum quatuor Sanctis Animalibus concinens: Sanctus, Sanctus, Sanctus Dominus Deus omnipotens, qui erat, qui est, & qui venturus est. *Apoc. 4. 8.*

*V. Et Misericordia ejus à pro genie in progenies, timentibus eum.*

Meritò ampliùs magnificat anima mea te Domine, & spiritus meus in te Deo salutare meo exultat: quia misericordia tua non mihi tantùm exhibita est, verùm etiam tot Electorum millibus, ex omnibus tribubus, populis & linguis, omnibusque nationibus, quæ sub cœlo sunt, quibus exortus Sol justitiæ lucis fidei & gratiæ radios diffundit, diffundetq; usque ad consummationem seculi, à pro genie in progenies, obsequentibus & timentibus eum.

*VI. Fecit potentiam in brachio suo.*

Virtutem suam ostendendo, non solum in mundi creatione, gubernatione, prodigiosa populi Israëlitiçi ex Ægypto edu-  
ctione

atione, ceterorumq; Legis veteris prodigiorum patratiōe; verūm etiā in stupenda ac recente Verbi Divini Incarnatione.

Arripe anima mea & hunc, Deum magnificandi titulum : exulta in spiritu, & delectare in Deo salutari tuo; quia fecit potentiam in brachio suo, non solum in prædictis magnalibus; verūm etiam in institutione summè stupendi Eucharistiæ Sacramenti, quo hodie refecta & recreata es: Quare Benedic anima mea Domino, & omnia quæ intra me sunt nomini sancto ejus: nam *disperfit superbos mente cordis sui*: Omnipotentiam suam non solum in misericordiæ operibus, sed etiam in iustitiæ severitate manifestans, superbos castigans, eorumque machinationes dissipans & disperdens.

VII. *Deposuit potentes de sede, & exaltavit humiles.*

Magnificat anima mea Dominum, & exultat spiritus meus in Deo salutari suo: quia deposuit potentes de sede, præcipitavit Luciferum, Pharaonem, Nabuchodonosorem, aliosq; superbos, potentes, nobiles humilians : humilem verò Virgi-

R 5

nem

nem, humiles Patriarchas, Prophetas, & apostolos aliosque Sanctos exaltans.

VIII. *Esurientes implevit bonis, spiritualibus, cœlestibus, æternis: Divites verò terræ filios, dimisit inanes.* Ideoq; lauda Deum tuum, & exulta anima mea in Jesu Salvatore tuo, qui & te coronat in misericordia & miserationibus, ac replet in bonis desiderium tuum: seipsum tibi esurienti in epulum præbens: Hæreticos verò impiosque opinione suâ divites & escam hanc cœlestem nauseantes dimittens inanes.

IX. *Suscepit Israel puerum suum, recordatus misericordie sue.*

Magnificat quoque anima mea te Domine, & exultat spiritus meus in te Deo salutari meo ob curam & providentiam tuam paternam, erga nos, quos sicut Israel puerum tuum semel in filios suscepisti, ipsemet ad nos juvandos accurrens per Incarnationem, prædicationem & Sacramenta. Et licet nostri interdum oblivisci videaris, maturè tamen memores nostri, & recordatus misericordie tue medelam adhibes.

X. *Sicut*

X. *Sicut locutus est ad Patres nostros,  
Abraham & semini ejus in secula.*

Deniq; magnificat anima mea te Do-  
mine, & exultat spiritus meus in salutari  
tuo, quia summè fidelis es in omnibus,  
quæ Abraham, David, aliisque Patriar-  
chis & Majoribus nostris promissisti, &  
insigni opere Incarnationis adimplevisti.  
Eris quoque porrò fidelis in omnibus iis,  
quæ Apostolis patribus nostris sponendi-  
sti; nec eorum Filiis ac posteris usque ad  
finem mundi deeris. Ideoq; sit

Gloria Patri & Filio & Spiritui sancto,  
sicut erat in principio, & nunc & semper,  
& in secula seculorum. Amen.

## P R A X I S

Devotè audiendi Sacrum.

I. *Templum ingressus, & aquâ lustra-  
tus aspersus, actuq; contritionis elicito, mox  
in his genibus Christum Dominum in Sa-  
cramento venerabili absconditum adora,  
cum viva fide ac pietate dicens: Adoro  
te devotè latens Deitas, quæ sub his figu-  
ris verè latitas. &c.*

R 6

II. *Toto*

*II. Toto tempore Sacri modestam corporis compositionem, cum interna, externaque reverentia præfer cogitans te versari in præsentia Dei & innumerabilium Angelorum Regem suum, Aulicorum instar stipantium.*

*III. Forma intentionem cum Sacerdote sacrificaturo; juxta formam quadruplicis Sacrificii, quam habes supra pag. 159. vel brevius, ut sequitur.*

*Intentio.*

**O** Sacrosancta Trinitas! offero tibi hoc sacrificium ad omnes illas intentiones, quas Filius tuus Jesus Christus sacrificium instituens sibi præfixit; ad omnes quoque intentiones unquam à sanctis Sacerdotibus, piisque hominibus sibi præfixas. In primis verò offero tibi, ô Deus! hoc sacrificium velut laudeticum, ad laudem & gloriam tuam tanquam supremo vitæ & mortis Domino. 2. Offero quoque illud in Sacrificium Eucharisticum & gratiarum actionem pro omnibus beneficiis mihi ac toti Ecclesiæ militanti & triumphanti unquam concessis aut concedendis. 3. Offero etiam idem in sacrificium propri-

propitiatorium pro omnibus meis ac totius mundi peccatis. 4. Denique offero id ipsum in sacrificium impetratorium, ut mihi, meis, aliisque indigentibus, tam vivis quam defunctis, omnia ad salutem æternam necessaria & utilia largiaris. Suscipe illud obsecro in odorem suavitatis. Amen.

*IV Varias Sacrum audiendi praxes, ex supradictis variis celebrandi modis facile confeceris.*

Praxis I. audiendi Sacrum.

*R*eflecte animum ad præcipua fidei nostræ mysteria in Missæ sacrificio representata: v. g. sub Introitu & Kyrie captivitatem Patrum in limbo misericordiam Dei & adventum Messie desiderantium. Sub Gloria in excelsis Nativitatem Christi; sub Evangelio prædicationem; sub Elevatione crucifixionem, sub Communione sepulturam; sub Benedictione ultimam ascensionem in cælum: simulq; convenientes dictis mysteriis affectus excita.

Praxis II.

*A*ltera praxis est, ut non tantum ad fidei nostræ mysteria & ceremonias; ve-

R 7

rùm

rūm etiam ad verba aut sensum verborum à Sacerdote prolatorum attendas, congruōsq; fidei, spei, charitatis, humilitatis, adorationis gratiarum adionis affectus elicias.

## Praxis III.

**S**I varietate delecteris: tempore Adventūs age cum Christo Domino tempore Sacri tanquam cum Fratre, & affectus fidei, adorationis, humilitatis desiderii, & amicitie exerce. ut suprā pag. 178. & seqq. notatos invenies.

## Praxis IV.

**T**Empore Nativitatis, conversare cum Christo vel cœlesti Magistro, rogaq; illum ut humilitatem paupertatem, mundi contemptum, incommodorum amorem, ceterarumq; virtutum perfectionem te doceat. Vide pag. 202.

## Praxis V.

**T**Empore quadragesimæ festina ad Christum, velut ager ad medicum omnipotentem, atq; utere orationibus de 7. Sanguinis Christi profusionibus, quas reperis pag. 222. exercendo fidem, quod possit, spem, quia promisit, & vult, te sanare.

Praxis

## Praxis VI.

**T**empore Paschali, accede ad Sacrum, tanquam famulus obsequia sua delaturus Regi gloria. Vide supra considerationes & affectus pag. 253. & seqq.

## Praxis VII.

**T**empore Pentecostes velut frigidus ad Ignem infinitum appropinqua, petens misericordiam peccatorum tuorum consumat, frigidum velut ferrum igneum reddat. Considerationes & affectus usupra notatos supra pag. 283. & seqq.

## Praxis VIII.

**P**ost festum SS. Trinitatis, accurre ad Christum Dominum absconditum, genens te velut cæcus, in presentia Regis, quem licet non videat, tamen reveretur & honorat. Expende attributa divina. pag. 333. & seqq.

**V. Post Sanctus, commenda Christo Domino in sacratissima eius Vulnera sequen-**

*Memento Vivorum.*

**O** Amantissime Jesu! in vulnus sacratissimum dexteræ manûs tuæ commendo tibi, Pontificem, Cardinales, Archiepisco-



Episcopos, Episcopos, Pastores, Sacerdotes, omnesque Ecclesiasticos & Religiosos. In Vulnus sinistræ manûs tuæ, commendo tibi Imperatorem nostrum, Reges & Principes Christianos. In vulnus dexteri Pedis tui commendo tibi Parentes, Fratres, Sorores, Cognatos, Amicos, & Benefactores meos. In vulnus sinistri Pedis commendo tibi Ethnicos, Hæreticos & Peccatores. In Vulnus sacratissimi Lateralis tui, commendo tibi ô Jesu! corpus & animam meam vivens & moriens: ac per acerbissimum dolorem & sanguinem pretiosum horum quinque vulnorum te oro atque obtestor suppliciter, ut mihi prædictis que omnibus gratiam copiosam, charitatem perfectam, de hostibus visibilibus & invisibilibus victoriam, & felicitatem æternam largiri digneris. Amen.

VI. *Ad Elevationem sacra Hostia ter pectus tundens, ora.*

O Jesu dilectissime! per gloriosum corpus tuum miserere mei & pasce me: per sacratissimam animam tuam miserere mei & sanctifica me: per sanctissimam Divinitatem tuam miserere mei & salva me.

*subjunge.* Ave

Ave verum corpus natum,  
De Maria Virgine,  
Verè passum immolatum,  
In cruce pro homine,  
Cujus latus perforatum,  
Undâ fluxit & sanguine,  
Esto nobis prægustatum,  
In mortis examine.

O Jesu! ô pie,  
Fili Mariæ, Misereere nobis.

*Ad Elevationem Calicis sacri, ter pe-*  
*lus tundens ora.*

O Jesu amantissime! per pretiosissimum  
Sanguinem tuum, miserere mei & la-  
ra me; per sacrosancta vulnera tua mise-  
reere mei, & sana me: per dolorosissimam  
mortem tuam, miserere mei & vivifica me  
*Subnecte.*

Salve nobilis & pretiose Sanguis, de  
vulneribus Domini mei Jesu Christi pro-  
fluens; & peccata totius mundi abluens;  
abluere, sanctifica & custodi animam me-  
am in vitam æternam. Amen.

VII. *Memento Defunctorum.*

*Præter animas Parentum, Fratrum,*  
*Sororum, Amicorum, Benefactorum, alio-*  
*rumve*

*rumve tibi specialiter commendatorum,  
Domino Jesu Christo, in Vulnera quinque  
sacratissima commenda sequentes Defun-  
ctorum animas.*

**O** Jesu mitissime ! In vulnus sacrosan-  
ctum dexteræ manûs tuæ commendo  
tibi animas Fidelium Defunctorum libe-  
rationi proximas, ut quod illis deest hujus  
Sacrificii virtute, & mēitis tuis infiniti  
valoris suppleas, easq; ad amabilissimum  
cōspectum tuum protinus admittas.

**II.** In Vulnus manûs sinistrae, commendo  
tibi animas, suffragiis vivorum maximè  
destitutas, ut hujus Sacrificii efficaciam &  
misericordiæ tuæ abundantiam expertæ,  
beatitudine æternâ citiùs donentur.

**III.** In Vulnus Pedis dexteri commendo  
tibi animas, divitiùs purgatorii pœnis cru-  
ciatas, ut abbreviatis doloribus ad æterna  
gaudia citiùs evolent.

**IV.** In Vulnus Pe-  
dis sinistrae commendo tibi animas, quæ in  
vita Jesum & Mariam ferventiùs dilexe-  
runt, ut citiùs liberatæ, amorem inchoa-  
tum in via, consumment in patria.

**V.** In  
Vulnus denique sacratissimi Lateris cui  
commendo tibi animas illustriorem san-  
ctitatis

titatis gradum adeptas, magisque te in  
celo laudaturas, ut Sanctorum & Ange-  
lorum Choris insertæ citius cum iisdem te  
glorificent, ac benedicant in secula:  
Amen.

VIII. Praxis Communionis spiritualis.

1. Ad Agnus Dei, illud cum Sacerdote  
tra ter pectus tunde, & contritionem de  
peccatis cordis, oris, operis elice.

2. Feruens Christum Dominum in Sac-  
ramento suscipiendi desiderium excita;  
licens: Desidero te millies, Mi Jesu  
quando venies? me lætum quando facies,  
me de te quando faties?

3. Ad Domine non sum dignus, Ag-  
nosce indignitatem tuam. 1. Ob sum-  
mam & infinitam Dei Majestatem. 2.  
Ob maximam tuam vilitatem. 3. Ob in-  
numeram peccatorum tuorum multitu-  
dinem. Eamq; trinâ pectoris transione pro-  
ferre.

4. Sacerdote Hostiam sacram sumen-  
te, desiderium Christum Dominum su-  
mendi, teq; ei intimè uniendi renova, &  
corde ferventi suspira:

Credo

Credo in te, ô Suprema Veritas!  
 Spero in te, ô æterna Felicitas!  
 Amo te, ô infinita Bonitas!  
 Reverëor te, ô altissima Potestas!  
 Adoro te, ô immensa Majestas!  
 Gratias ago, ô summa Liberalitas.

*Subjunge Oratiunculam S. Ignatio olim familiarem: Anima Christi sanctifica me. &c.*

IX. Sub Benedictione Sacerdotis, velut à Christo in cœlum conscendente reverenter Benedictionem accipe. Ex sub Evangelio S. Joannis pro Beneficio Incarnationis gratias age, cor tuum ad Christum excipiendum offer, lumen à Luce Mundi ad tenebras tuas dissipandas pete, rediturum suo tempore Judicem time, & gloriam eius quasi Unigeniti à Patre, te aliquando visurum spera.

### DE VISITATIONE Venerabilis Sacramenti.

I. Laudabilissima consuetudo Venerabile Sacramentum subinde interdum visitandi, præclarum est inter alia medium, magnam cum Deo familiaritatem consequenti

quod; ut experti D. Thomas Aquinas,  
S. Franciscus Xaverius, S. Franciscus  
Borgia, B. Aloysius aliique Sancti quam  
clarissimi.

II. Sunt quoque huiusmodi visitationes  
& officiosae salutationes, contestationes ho-  
noris & amoris erga Christum Regem a-  
mabilissimum & liberalissimum: amantes  
enim libenter sunt simul, libenter invicem  
alloquuntur, seseque mutuò visitant. Un-  
de si Christum ames, eum quandoque per  
diem visita, alloquere, saluta, obsequia of-  
fer, necessitates propone, gratiam posce, pro  
beneficiis gratias age, praesertim commu-  
nionem postrema, & pro proximè sequente  
dignius adeundam auxilium exora. Toto  
die Rex tuus & amicus integerrimus te  
expectat, humaniterque invitatur: Venite  
ad me omnes qui laboratis & onerati estis,  
& ego reficiam vos. Matth. 11. Tuque ve-  
nire recuses? quanta inurbanitas?

III. Proinde si opportunitas ferat, tem-  
porum adi; si occasio desit, vultum & cor  
ad SS. Eucharistiam dirige, & sequentes  
salutationes incerta diei tempora divide.

SEPTEM

## I.

**S**Alve infinitè millies, ô Salvator miCrucifixe Jesu Christe! Tu es verus ille Samaritanus [ *Luca 10.* ] & expertissimus animarum Medicus; miserere mei: ecce enim anima mea infirma & variis morbis obnoxia est: præbe ei ex salutari sacrorum quinque vulnerum tuorum apotheca, efficacem rosei sanguinis tui medicinam, ut sanitati restitatur, & ad vitam convalescat æternam. Amen. Pater noster.

## II.

**S**Alve infinitè millies, ô Salvator miCrucifixe Jesu Christe! Tu es Magister bonus [ *Joann. 13.* ] & Doctor omnis veritatis; miserere mei, ecce enim anima mea rudis est, & scientiæ sanctorum ignara: suscipe illam in sacram quinque vulnerum tuorum scholam, ut in ea studeat, & humilitatem, patientiam, obedientiam, pietatem & charitatem à te ibidem addiscat. Amen. Pater noster.

III. Sal-

## III.

Salve infinitè millies, ô Salvator mi Crucifixe Jesu Christe ! Tu es facundus ille advocatus [ *Joan. 2.* ] & mediator apud Patrem cœlestem ; miserere mei : ecce enim anima mea coram ipso legitimè accusata est : exhibe ad defensionem ejus, irrefragabiles sacrorum quinque Vulnerum tuorum probationes, ut sententiam benignam obtineat. Amen. Pater noster.

## IV.

Salve infinitè millies, ô Salvator mi Crucifixe Jesu Christe ! Tu es communis Redemptor universi generis humani ( *1. Cor. 1.* ) Miserere mei : ecce enim anima mea degit sub vilissima mundi, carnis, & Diaboli servitute : redime eam paratâ sacrorum quinque vulnerum tuorum munerâ, ut ad optatam Filiorum Dei adoptivorum libertatem pervenire valeat. Amen. Pater noster.

## V.

Salve infinitè millies, ô Salvator mi Crucifixe Jesu Christe ; tu es generosus ille Heros & Bellidux ( *Isaia 55.* ) Ecclesiæ militantis ; miserere mei : ecce enim ani-  
ma



ma mea vexillo quidem tuo se subdidit;  
sed prorsus inermis & malè munita est:  
muni eam, obsecro, victoriosis sacrorum  
quinque vulnerum tuorum armis; ut vi-  
riliter certet, & gloriæ æternæ coronam  
reportet. Amen. Pater noster.

## VI.

**S**alve infinitè millies ! ô Salvator mi  
Crucifixe Jesu Christe ! Tu es candidus  
& rubicundus, electus ex millibus anima-  
rum piarum Sponsus ( *Matth. 25.* ) mi-  
serere mei: ecce enim anima mea tibi pla-  
cere intimè desiderat; at ornatu & decore  
caret; orna igitur illam pretiosissimis sa-  
crorum quinque vulnerum tuorum cime-  
liis, & ut sic exornata tecum in sempiternū  
desponsari mereatur. Amen. Pater noster.

## VII.

**S**alve infinitè millies ô Salvator mi Cru-  
cifixe Jesu Christe ! Tu es Pastor bonus  
( *Joann. 10* ) qui animam suam posuit pro  
ovibus suis; miserere mei: ecce enim ani-  
ma mea velut ovicula errabunda fame  
perit: dignare eam in saluberrima sacro-  
rum quinque vulnerum tuorum pascua  
reducere; ut benè refecta, nunquam am-  
plius

his in hoc mundi deserto deficiat. A-  
men. Pater noster.

## SEPTEM SALUTATIONES

Filiales B. V. MARIÆ

*Tanquam Matris pulchra dilectionis  
Singulis Christi Salvationibus subjungende.*

## I.

Ave infinitè millies, ô Mater Gratiaë !  
amore te complector tam cordiali, ac  
Joannes Filius tuus adoptivus te com-  
plexus est, cum à Magistro suo Crucifixo  
vidit *Ecce Mater tua*, & ille te ex ea ho-  
suscepit in sua. Permite, ô Mater  
sacratissima ! ut ego quoque te, & tu vicif-  
sim me suscipias, quo ego tuus, & tu mea  
ex hoc, nunc & usque in seculum. A-  
men. Ave Maria.

## II.

Ave infinitè millies, ô Mater gratiaë !  
amore te prosequor adèdè filiali, ac Sta-  
tislaus servus tuus devotissimus te profe-  
ctus est; cum ejus ardens amore pectus  
interolis madidis refrigerari debuit, dum  
Matrem suam tenerâ devotione com-  
morus nominavit. Nosti Domina, quòd  
Pater meus & Mater mea dereliquerunt

S

me;

me ; quare ô Mater dilectissima ! assume  
me, ac permittè, ut ego sim Filius tuus, &  
tu Mater mea , ex hoc nunc & usque in  
seculum. Amen. Ave Maria.

## III.

**S**alve infinitè millies , ô Mater gratiæ !  
amore feror in te, adeò sincero, atque  
Alphonsus famulus tuus fidelissimus in te  
latus est, dum exclamavit : ô Maria ! ego  
te plus diligo , quàm tu me. Ah ! Mater  
amabilissima ! ini mecum simile certamen  
amoris : ut ego deinceps sim tuus , & tu  
mea , ex hoc nunc & usque in seculum,  
Amen. Ave Maria.

## IV.

**S**alve infinitè millies , ô Mater gratiæ !  
tam suavi teneroque amoris tui languo  
atque mellifluus Encomiastes tuus Ber-  
nardus , quando tam devotè te salutavit,  
ut tu vicissim eum salutare , & lacte vir-  
gineo refocillare dignata sis. Ah ! Mater  
melliflua & asylum meum in omnibus, quo  
ego tuus sim , & tu solatium meum per-  
maneas, ex hoc nunc & usque in seculum,  
Amen. Ave Maria.

V. Salve

## V.

Salve infinitè millies, ô Mater gratiæ !  
 amore in te raptor tam ferventi, atque  
 Carolus Brigittæ familiaris tuæ Filius in  
 te raptus fuit: dum omnia mundi tormen-  
 ta subire maluit, quàm permettere ut ho-  
 nori tuo vel minimum decederet. Ah Ma-  
 ter pretiosissima ! non absimili amoris tui  
 celo corripior : honori tuo bona, sangui-  
 nem, vitam, corpus, & omnia consecro.  
 Tu es mea, & ego sum tuus, ex hoc nunc  
 & usque in seculum. Amen. Ave Maria.

## VI.

Salve infinitè millies, ô Mater gratiæ !  
 tam ardente tui amore flagro, atq; per-  
 lectus famulus tuus Arnulphus, cum om-  
 nium Cœlitum aspectus ei non saperet,  
 nisi & gloriam tuam videret. Ah ! suavissi-  
 ma Mater, quid est in cœlo aut in terrâ,  
 post Filium tuum, quod exhilarare me va-  
 leat, nisi tu sola ? Tuus sum ego, & mea  
 es tu, ô dulcis Mater ! ex hoc nunc & us-  
 que in seculum. Amen. Ave Maria.

## VII.

Salve infinitè millies, o Mater gratiæ !  
 amore te complector tam constanti, ac  
 Bergmannus juvenis angelicus te com-  
 plexus

plexus est, dum te Matrem suam, vel in ipso mortis agone cecinit. Ah Mater dilectissima; ego ad ultimum usque halitum te diligam. Supremum verbum meum, sit sanctum nomen tuum, in hoc tui amore, dulci fruar sopore: sic tu dilecta mihi, & ego dilectus tibi, ero & eris in seculum. Amen. Ave Maria.

Praxis II. visitandi Venerabile  
Tempore Adventus

**R**emina illustriora beneficia, qualia sunt. 1. Aeterna Dei dilectio & predestinatio. 2. Creatio. 3. Conservatio. 4. Redemptio. 5. Justificatio. 6. Vocatio ad statum. 7. Glorificatio. Laudes & gratiarum actiones subijunge.

Praxis III.

Tempore Nativitatis Domini.

**E**xpende septem Christi Domini visitationes: quarum 1. facta in Incarnatione, 2. In Visitatione S. Elisabethae, 3. In Nativitate. 4. In Purificatione. 5. In fuga in Aegyptum. 6. In variâ predicatione. 7. In descensu ad Limbum. Exerce virtutes Theologicas, & beneficia in his

præstita visitationibus, tibi quoque confer-  
ri in tuis visitationibus roga. Ut supra

## Praxis IV.

*Tempore Septuagesimæ.*

I. VENIO ad te in Templum, Rex su-  
preme, cum Virgine Matre primo-  
genitum suum sistente & offerente: & li-  
bertatem meam, velut primogenitam, ad  
omne beneplacitum tuum sisto & offero,  
suscipe eam in odorem suavitatis & gratiã  
tuã perface.

II. Curro ad te, Magister optime, ve-  
luti Magdalena, ut sedens ad pedes tuos,  
audiam quid loquatur in me Dominus:  
loquere, ergo, Domine, quia audit servus  
tuus: Domine quid me vis facere?

III. Festino ad te, cœlestis Medice,  
velut alter Paralyticus, qui sine ope gratiæ  
tuæ, nec manum nec pedem meritorie  
movere valeo: Domine si vis potes me  
sanare.

IV. Accedo ad te, divine Archiater,  
tanquam Centurio Evangelicus, & cum  
profunda reverentia ac humilitate adoro  
te, & demissè obsecro, ut animam meam

tot febribus, quot concupiscentiis aestu-  
antem refrigeres: tantum die verbo, & sa-  
nabitur anima mea.

V. Recurro ad te, Omnipotens Thau-  
maturge, quemadmodum Cæcus ille E-  
vangelicus & cum fiducia clamo: Jesu  
Præceptor miserere mei: nec aliud requi-  
ro, nisi ut videam mundi vanitatem, vitæ  
brevitatem, gloriæ & pœnæ æternitatem,  
propriam vilitatem, tuam sublimitatem.  
O noverim me, noverim te!

VI. Appropinquo ad te, ô Doctor Jus-  
titiæ! sicut Legisperitus ille, ut viam Dei  
in veritate me doceas, & viam veram ad  
vitam æternam commonstres. Quid fa-  
ciendo vitam æternam possidebo? Di-  
liges.

VII. Confugio ad te, ô Afflictorum  
solatium, & desolatorum asylum! & cum  
Cananæa clamo: Jesu Fili David miserere  
mei! peto que velut catellus micæ, quæ ca-  
dunt de mensa Dominorum, reliquias sci-  
licet devotionis, quas veri filii & devoti  
famuli tui in usu venerabilis Sacramenti  
degustant. O gustem & videam!

Praxis

## Praxis V.

Tempore Quadragesimæ.

Vni esse quænt 7. profusiones sanguinis Christi. vide pag. 222.

## SEPTEM PETITIONES

Orationis Dominicæ.

DOMINE Jesu & in cœlis fulgens in gloria, & hîc in Sacramento latens velut in umbra, ut nostri debilitati consulas. Agnosco, immunditiam & peccatorum meorum multitudinem & erubescorotus. Sed tu es *Sanctificator meus*, qui me, totumque mundum in momento sanctificare vales: ah! sanctifica, secundum sanctam voluntatem tuam me & omnes mundi incolas: ut à Solis ortu usque ad occasum sanctificetur laudabile nomen tuum.

II. Tu es *Rex Regum* potentissimus: excinde igitur in me, meis, totoque mundo regnum carnis & diaboli, tanque latè patentem, ac maximæ orbis parti dominantem tyrannidem opprime. O adveniat Regnum tuum, suavissimum ac sanctissimum, ut velut Rex unicus & supremus ab omnibus, ut par est colaris, amaris & adoraris.

S 4

III. Tu



III. Tu es *Dominus Dominantium*, absolute solutus & independens omnium Monarcha, mi Jesu, absolutissimum in omnes & proprietatis & jurisdictionis habens Dominium. O fiat, abnegatâ nostrâ, voluntas tua sicut in cœlis ita & in terris, in me, de me, per me, per omnia & in omnibus.

IV. Tu es *Provisor universalis omnium*, mi Jesu, & pastor bonus, tu es Pastor animarum nostrarum, pascere eas verbo vitæ, & Sacramentorum virtute: pascere corpora ut sint gloriæ tuæ instrumenta: Panem nostrum quotidianum & super-substantialem da nobis hodie.

V. Tu es *Redemptor noster* & venia Largitor. Ecce quot miliones horrendorum scelerum à Fidelibus & Infidelibus audacter & protervè patrantur. O parce Bonitas! ignosce, miserere; quia nesciunt quid faciunt: & dimitte nobis debita nostra, & fac ut ea lacrymis amarissimis eluamus.

VI. Tu es *Protektor noster* mi Jesu: ecce enim innumerabilibus hostium turmis circumcingimur, adeò tamen fragiles, ut minimo tentationis vento, velut folia, commoveamur. Sed unde veniet auxili-

mi-nifi  
protect  
tion-  
VII.  
ad quer  
nos eri  
libera n  
malu su  
liber  
terribil  
  
Reco  
tiones  
  
Chr  
ans, ac  
Solem  
II.  
rigidu  
III.  
Naarm  
IV.  
um, s  
abstergo

sihisi à te? assiste itaque gratiâ tuâ, & protectione defende ut nunquam tentationi succumbamus.

VII. Tu es denique *Liberator* & *ster*, ad quem confugimus, ut à malis omnibus nos eripias. Et quidem in vita præsentè, libera nos à malo culpæ lethalis, quod malû super omne malum est: in alterâ ve-  
rò libera nos à malo pœnæ æternæ, quod terribilium omnium terribilissimum est.

## Praxis VI.

Tempore Paschali.

Recole septem Christi Domini apparitiones indicatas supra.

## Praxis VII.

Tempore Pentecostes,

*Christum Dominum in Templo visitans, accede ad illum jam I. tanquam ad Solem, radiisq; ejus te expone, ut illustreris*

II. *Alias adi tanquam ad ignem, ut frigidum cor tuum incalescat.*

III. *Tanquam ad Jordanem, ut cum Naamo, laveris & munderis.*

IV. *Tanquam ad Speculum Virtutum, ut defectuum maculas cognoscas & abstergas.*

S 5

V.

V. *Tanquam ad Fontem Aqua viva, ne sitim cupiditatum restinguas.*

VI. *Tanquam ad Arborem vita, ut vitam spirituales conserves & sub umbra eius requiescas.*

VII. *Tanquam ad Magnetem, ut ferrenum cor tuum attrahat & sibi copulet. Et in singulis visitationibus, pro beneficio ultima visitationis gratias age, pro sequente gratiam posce.*

### Praxis VIII.

Post Festum SS. Trinitatis.

*Templum ingressus, per fidem vivam in presentia Christi te statue, Omnipotentiam eius expende, & audi dicentem: Data est mihi omnis potestas in cælo & in terra: ac confidenter pete ut potentiam suam in te exferat, & à septem peccatis capitalibus te liberet. Alias expende parumper infinitam eius Charitatem, quam non solum demonstravit antenac degenis in vita mortali; sed hodie dum ostendit in vita gloriosa, dum tamdiu te expectat in Ara, ut petitum aliquid venias & obtineas. Pete itaque septem Virtutes, res*

Theo.

*Theologicas, & quatuor Cardinales. Alias paulisper rulina infinitam ejus Sapientiam, & dic: Domine tu omnia nosti: omnia nuda & aperta sunt oculis, scrutaris enim renes & corda: Obsecro quid vides in Sunamite, in anima mea?*

I. *Et primò quidem, dum mentis oculos in me conjicis, ô Jesu omniscie! quid vides? Vides me ex meipso esse umbram, inane, nihil: si enim manum tuam me tementem laxares, mox in abyssum nihili, ex qua per te eductus sum relaberer. Quàm profundè igitur me coram te humiliare, quàm demissè de me sentire debeo?*

II. *Quid vides in anima mea? ô perpicacissime Benefactor! uno velut obtutu cernis beneficia omnia, à primo Creationis meæ momento, mihi exhibita, quæ sunt innumerabilia. Quas igitur grates me referre par est, quod hoc nihilum meum sic dilexeris, extuleris, beneficiis cumulâris?*

III. *Quid vides in libro vitæ meæ? velut in membrana accuratissimè descripta & depicta omnia peccata mea & delicta juventutis, & pro vectæ ætatis, & religiosæ conversationis. O quàm confundor & rubesco!*

IV. Quid vides in decursu vitæ meæ præteritæ? audio respondentem: vita tua repida est, inconstans est, jam me, jam hostem sequens. O basis & firmamentum meum, in omni bono confirma me!

V. Quid vides in phantasia mea? O Salus mea! meras chymæras. Quid in appetitu? cupiditates inordinatas. Quid in memoria? species rememorativas vanas. Quid in intellectu? speculationes infructuosas. Quid denique in voluntate? Velleitates millenas & millenas inefficaces. Ah! si vis potes me illicò emendare.

VI. Quid vides in cogitationibus meis? Vanitatem. Quid in verbis? jactantiam. Quid in factis? voluntatem propriam. Quid in oculis & auribus? curiositatem. Quid in gustu? sensualitatem. Quid in corpore? infirmitatem. Sana me, Domine & sanabor.

VII. Quid vides in morte mea? Aderit brevi; quâ horâ non putas? Tu Domine nosti annum, diem, horam, momentum obitûs mei. Tu nosti locum, morbum, modum quo extinguendus sum. Tu cognoscis, quî in iudicio tuo substitutus  
quam

quam sententiam accepturus, ad quem locum alterius vitæ destinandus sim. Ah! moriatur anima mea morte Justorum, & fiant novissima mea horum similia. *Num.* 23. Cùm veneris judicare noli me condemnare.

## HORA VIII.

### Verbi Divini auditio.

*D*ominicis, festisq; diebus nunquam negligenda verbi Dei auditio: eam enim *mellissimus Doctor serm. 1. in Septuages. inter predestinationis & salutis signa numerat. Qui ex Deo est, verba Dei audit, inquit ipsa veritas. Joan. 8. & S. Chrysoft. hom. 22. in Gen. scribit: quemadmodum corporalis cibi appetitus indicium est bonæ valetudinis; ita desiderium spiritualis doctrinæ, manifestissimum est argumentum animæ benè habentis. Excita igitur in te orem, si eâ careas.*

### Praxis audiendi Concionem.

I. *Ante Concionem, animus à vitiis & perturbationibus expurgandus, ut tan-*